



Inatsisartuni ilaasortaq, Inuit Ataqaigiit  
/maani

**Pisortat inissiatileqatigiiffii pillugit § 37 naapertorlugu apeqquteqaammut  
2021-001-imut akissut**

19-01-2021  
Suliaq nr.: 2021 - 662  
ID nr. 60458213

Asasara Sofia Geisler

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Inatsisartut suleriaasianni § 37 naapertorlugu pisortat inissiatileqatigiiffii pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik

**Apeqqut 1: Immikkoortut 45 aamma 122, 2019-imi ukiakkut Inatsisartut akuersissutigisaat pillugit sulinerup killiffiata nassuiaatigineqarnissaannik Naalakkersuisut qinnuigineqarput. 2019-imi Naalakkersuisut peqquneqarput attartornermut inatsimmik nutaamik siunnersuusionerminni ilanngutissagaat:**

**a) Pisortat inissiatileqatigiiffiisa attartortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqarsimappat, aaqqinneqareeraluarpalluunniit tamanna attartortussamut ilisimatitsissutigisalisagaat. Aamma:**

**b) Attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqum ajornartorsiutaasimappat, aaqqinneqareeraluarpalluunniit, tamatuminnga ilisimatinneqartalernissaat, naaggaarsinnaatitaallisasullu inissiamik allamik tunineqarnissaminnik utaqqisuni inissisimanerminnik annaasaqaratik.**

Akissut: Naalakkersuisut 123/2020-mi § 37 naapertorlugu apeqquteqaammut akissutigineqartutut, Naalakkersuisut Covid-19 peqqutigalugu Inatsisartut 2020-mi ukiakkut ataatsimiinneranni allannguutissatut siunnersuummik saqqummiussisinnaasimangillat.

**Apeqqut 2: Apeqqummut pineqartumut paasissutissanik allanik Naalakkersuisut tunniussassaqarpat?**

Akissut: Ilisimatitsissutigineqarsinnaavoq, inissianik attartortitsisarneq pillugu Inatsisartut peqqussutaanik allannguneq pillugu Inatsisartut inatsisissaattut siunnersuut (*Inissiat attartortittakkat oqoqalernerinik nalunaarsuisarneq aamma sulisunut inissianik*

oqoqalersimasunik innersuussisoqartillugu tigusiumanngissinnaaneq) piffissami 23. oktober 2020 – 20. november 2020-mi, Inatsisartut 2021-mi upernaakkut ataatsimiinneranni saqqummiussinissarpiaq siunertaralugu tamanut ammasumik tusarniaassutigineqarsimammat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen